

# BESTELAKO XEDAPENAK

EUSKAL HERRIKO UNIBERTSITATEA

## 3972

*ERABAKIA, 2022ko ekainaren 29koa, Universidad del País Vasco / Euskal Herriko Unibertsitateko Gizarte Kontseiluaren osoko bilkurarena, zeinaren bidez onartzen baita Irakasle eta Ikertzaileen ordainsari osagarri gehigarriak esleitzeko ebaluazioa eskatzeko urteko deialdia.*

María Pilar Elorrieta Santosek, Euskal Herriko Unibertsitatearen Gizarte Kontseiluko idazkari nagusiak, honako hau

### ZIURTATZEN DU:

Bi mila eta hogeita biko ekainaren 29an bilduta, Gizarte Kontseiluaren berrehun eta hogeita laugarren osoko bilkurak beherago aipatzen den erabakia hartu zuen aztergai zerrendako zortzigarren puntuaz, zeinak honela baitzioen: Irakasle eta Ikertzaileen ordainsari osagarri gehigarrien urteko deialdia, osagarriak esleitzeko ebaluazioa eskatzeko.

Lehenengoa.– Erabaki honi erantsitako UPV/EHUko Irakasle-ikertzaileen Ordainsari Osagarri Gehigarrien urteko deialdia onartzea.

Bigarrena.– Erabaki hau eta erantsitako deialdia Euskal Herriko Agintaritzaren Aldizkarian argitaratzea.

Errekurtsoak. Administrazio Publikoen Administrazio Prozedura Erkidearen urriaren 1eko 39/2015 Legean ezarritakoa betez, jakinarazten da egintza honek administrazio bidea agortzen duela, Unibertsitatei buruzko abenduaren 21eko 6/2001 Lege Organikoaren 6-4 artikulua jaso bezala. Egintzaren aurkako errekurtsioa jar daiteke bi hilabeteko epean, Administrazioarekiko Auzien Jurisdikzioan, argitaratzen denetik kontaktzen hasita.

Bilbao, 2022ko ekainaren 29a.

Kontseiluburua,  
JOSÉ AGUSTÍN EIZAGUIRRE AGOTE.

Idazkari nagusia,  
M. PILAR ELORRIETA SANTOS.



## ERANSKINA

### ORDAINSARI OSAGARRI GEHIGARRIAK ESLEITZEKO EBALUAZIOA ESKATZEKO URTEKO DEIALDIA

#### **Lehenengoa.**– Deialdiaren helburua

1.1.– Deialdi honen helburua da irakasle eta ikertzaileei ordainsari osagarri gehigarriak esleitzea, haien merezimenduak ebaluatu eta gero. Ebaluazioa egingo da deialdia argitaratzen den unean indarrean dagoen Unibasq-Euskal Unibertsitate Sistemaren Kalitatea Egiaztatzeko Agentziaren ebaluazio protokoloari jarraikiz.

1.2.– Gehigarriko ordainsari osagarriak metatu daitezkeen hiru mailatan sailkatuko dira eta tarte progresibo desberdinak izango dituzte. Hain zuzen:

- C maila, Euskal Herriko Unibertsitatean egindako jardun profesionala saritzen duena.
- B maila, kalitatea eta etengabeko hobekuntza saritzeko.
- A maila, bikaintasuna saritzen duena.

1.3.– Hauek arautuko dute deialdi hau: deialdiaren beraren testuak eta Euskal Herriko Unibertsitateko irakasle eta ikertzaileen gehigarriko ordainsari osagarri buruzko urriaren 17ko 209/2006 Dekretuak (64/2011 Dekretuak egindako aldaketekin). Horieta jasota ez dagoenerako, eutsiko zaio Administrazio Publikoen Administrazio Prozedura Erkidearen urriaren 1eko 30/2015 Legeari.

#### **Bigarrena.**– Aplikazio esparrua

2.1.– Hauek eska dezakete merezimenduak ebaluatzea:

- a) UPV/EHuko irakasle eta ikertzaileek, hala funtzionarioek nola administrazio kontratadunek edo lan kontratadunek, baldin eta zerrenda honetako 2. puntuaren artekoak ez badira.

2.2.– Honako hauek ezin dute ebaluazioa eskatu:

- a) Aurreko deialdietan ebaluatuak izan direnak eta ebaluatutako aldiaren amaiera datatik 2021eko abenduaren 31ra bost urte igaro ez badira, salbu eta C2 eta B1 mailetarako ebaluazioa eskatzen dutenak.
- b) Agentziarekin kolaboratzen duten irakasle eta ikertzaileek, kanpoan uzten baititu urriaren 17ko 209/2006 Dekretuko hirugarren xedapen gehigarriak, martxoaren 24ko 64/2011 Dekretuak egindako aldaketen arabera.
- c) Martxoaren 4ko 41/2008 Dekretuak, Universidad del País Vasco / Euskal Herriko Unibertsitateko irakasle eta ikertzaileen ordainsariei buruzkoak, kanpo uzten dituenak.

#### **Hirugarrena.**– Eskariak

3.1.– Edozelan ere, eskariak bide telematikoz egingo dira, horretarako jarritako aplikazio informatikoaren bidez, 64/2011 Dekretuaren bitartez aldatutako urriaren 17ko 209/2006 Dekretuko 7.2 artikuluari jarraiki.

Aplikazio informatikoak eskaeraren laburpen bat lortzea erraztuko du. Dokumentu hori modu elektronikoan sinatu beharko du eskatzaileak, eta UPV/EHuko erregistro elektroniko bidez bidali beharko da, prozeduren katalogoan (ordainsari osagarri gehigarriak), <https://egoitza.ehu.eus/eu/catalogo-de-servicios>, deialdi honetan zehaztutako epearen barruan. **Dokumentu hori bidali ezean eskaria ez da ondo burututzat joko.**

3.2.– Eskariak aurkezteko epea hilabetekoa izango da, deialdia argitaratu eta hurrengo egunetik zenbatzen hasita.

3.3.– (1/2007 Legegintzako Dekretua) Euskal Autonomia Erkidegoko Administrazioaren Tasa eta Prezio Publikoiei buruzko Legearen 95 bis eta 95 quinquies artikulua jarraiki (abenduaren 23ko 11/2021 Legeak Euskal Autonomia



Erkidegoko 2022. urteko Aurrekontu Orokorra onartzen dituen eraldatu dituzten artikuluek (horiak), Unibertsitatearen alde ebaluazio eskubideari dagokion 48,49 euroko Tasa ezartzen da. Tasa horren ordainketa burutu denaren ziurtagiria bidali beharko da aplikazio informatikoak ezartzen duen eran. Ziurtagiri hori aurkeztu ezean eskaera ez da onartatzen emango. Soilik C tartearen esleipena eskatzen dutenek ez dute Tasa hori ordaindu beharrik.

**Laugarrena.**– Espedienteak Unibertsitate-era bidaltzea

Eskariak Unibertsitate-era bidaltzeko dira, balorazio txostena egin dezaten, nahitaezkoa baita eta bidaltzerakoan epe bat ezarriko da Herri Administrazioen Administrazio Prozedura Erkidearen urriaren 1eko 30/2015 Legearen 80.2 eta 80.3 artikuluei jarraiki. Eskariok agentziara bidaltzen direnean txostena eskatzeko, eten egingo da prozedura ebazteko epea, Herri Administrazioen Administrazio Prozedura Erkidearen urriaren 1eko 30/2015 Legearen 22.1.d) artikuluari jarraiki.

**Bosgarrena.**– Akatsak zuzentzea

Epearen barruan aurkeztutako eskariak betetzen ez dituztenean deialdian ezarritako baldintzak edo baldintzak egiaztatzeko behar den dokumenturen bat aurkeztu ez denean, interesatuari eskatuko zaio akatsa zuzentzeko (hau da, nahitaezkoak diren dokumentuak edo alegatutakoa egiaztatzeko beharrezkoak diren dokumentuak aurkezteko). Horretarako, hamar egun balioduneko epea izango du, zuzenketa egitea eskatzen zaion egunaren biharamunetik hasita.

**Seigarrena.**– Merezimenduen ebaluazioa.

Maila eta tarte bakoitzerako merezimenduak behin egiaztatuta, eta deialdia argitaratzen denean indarrean dagoen protokoloan zehaztutako moduan ebaluatuko dira.

Edozein kasutan, merezimenduen egiaztapen dokumentuak baldintzen egiaztapen dokumentuekin batera bidaltzeko dira aplikazio informatikoak ezartzen duen eran. Eskariak aurkezteko epea behin amaituta, eskatzaileek erreklamazioa jasoko dute euren merezimenduen egiaztapen dokumentuak konproba ditzaten eta hala egin ezean merezimendu horiek ebaluatuko ez direla adieraziz.

**Zazpigarrena.**– Ebazpena

7.1.– Deialdia bi fasetan ebatziko da: aurrena, C mailako gehigarriko ordainsari osagarriak esleituko dira eta, gero, B, A mailakoak eta unibertsitate eskolako irakasle titular ez doktoreen espezifikokoak.

7.2.– Gizarte Kontseiluak, Gobernu Kontseiluaren proposamenez, gehigarriko ordainsari osagarriak esleituko dizkie irakasle eta ikertzaileei banan bana, banakako erabakiak emanez, Unibertsitate-ek bere txostenean (ikus laugarren oinarria) irakasle eta ikertzaile bakoitza kokatu duen maila eta tartearen arabera. Erabaki horri Unibertsitate-ek egindako ebaluazioa erantsiko zaio. Erabaki horien aurka interesatuek aukerako berraztertze errekurtsioa jarri ahal izango dute, jakinarazpena egiten zaienetik hilabeteko epean; bestela, zuzenean haien aurka egin dezakete administrazioarekiko auzien jurisdikzioan bi hilabeteko epean, jakinarazpena jaso eta hurrengo egunetik hasita.

**Zortzigarrena.**– Jakinarazpena

Aurreko oinarrian esandakoa kalterik egin gabe, behin gehigarriko ordainsari osagarrien esleipena Gizarte Kontseiluak onartuta, posta elektronikoko bidez jakinaraziko da lortutako tarteak eta baita ere Unibertsitate-Euskal Unibertsitate Sistemaren Kalitate Agentziak egindako txostena eskuragarri izango dute adierazitako estekan.

**Bederatzigarrena.**– Ondorio ekonomikoak

Merezimenduen ebaluazioa eta osagarrien esleipena ebaluazioaren hurrengo urtean hasiko dira ondorio ekonomikoak izaten, 64/2011 Dekretuaren bidez aldatutako urriaren 17ko 209/2006 Dekretuko 10. artikuluari jarraiki.



**Hamargarrena.**– C mailako gehigarritzko ordainsari osagarrietarako oinarriak.

#### 10.1.– Helburua

10.1.1.– C mailak, Euskal Herriko Unibertsitatean egindako jardun profesionala saritzen duenak, bi tarte ditu:

- C1 tarte. Hau eskuratzeko hiru urteko lotura izatea egiaztatu behar da Euskal Herriko Unibertsitatearekin.
- C2 tarte. Hau eskuratzeko zazpi urteko lotura izatea egiaztatu behar da Euskal Herriko Unibertsitatearekin.

10.1.2.– Zenbaketa egiteko kontuan hartuko dira 2021eko abenduaren 31ra arte unibertsitatean egindako zerbitzuak. Antzintasuna UPV/EHUK egiaztatuko du ofizioz.

10.1.3.– Aipatutako denbora hori zenbatzerakoan, jarduneko zerbitzutzat hartuko dira zerbitzu bereziak eta seme-alabak zaintzeagatiko eszedentziak, familia zaintzeko eszedentziak eta genero indarkeriaren biktimak diren funtzionarioen lehen sei hilabeteko eszedentziak edo, lan kontratudun irakasle eta ikertzaileen kasuan, antzeko egoerak.

#### 10.2.– Unibertsitatean egindako jardun profesionala aitortzeko lehen aldiz ebaluazioa eskatzen dutenek aurkeztu beharreko dokumentazioa.

Jardun profesionala saritzen duten C1 eta C2 mailak lortzeko ebaluaziora lehen aldiz aurkezten direnek dokumentu hauek aurkeztu beharko dituzte:

- Deialdi honetan I. eranskin moduan dagoen eskabide-orria.
- Saileko Kontseiluaren txostena, 2.1 ereduaren arabera egina. Honako hauek jasoko ditu:
  - a) Irakaslanari buruzko txosten negatiborik ez egotea, hau da, betebeharrak formalei buruzko ez-betetzerik ez egotea (tutoretzak, eskola emateak, akten epeak, eta abar).
  - b) Irakaslanari buruzko inkestak sistematikoki betetzea; balioespen negatibo errepikaturik ez egotea.

#### 10.3.– Gehigarritzko ordainsari osagarriak eskuratzeko ebaluazioetara aurretik aurkeztu direnek aurkeztu beharreko dokumentuak:

Jardun profesionala saritzen duten C1 eta C2 mailak lortzeko ebaluaziora bigarren aldiz aurkezten direnek dokumentu hauek aurkeztu beharko dituzte:

- Deialdi honetan I. eranskin moduan dagoen eskabide-orria.
- Saileko Kontseiluaren txosten positiboa, arrazoitua eta argumentatua, 2.2 ereduaren arabera egina. Honako hauek izango ditu oinarri:
  - Irakasleak bere lanari buruzko txosten negatiborik ez egotea.
  - Irakaslanari buruzko inkestak sistematikoki bete izana, ahal den guztietan behintzat, eta halakoetan balioespen negatibo errepikaturik ez izatea.
  - Tutoretzak bete direla egiaztatzeko ikuskaritzak egindako txostenak.
  - Irakasleak bere jardueraz egindako txostena.
  - Irakasleak egindako ikerlanak eta ezagutzak transferitzeko jarduerak.



#### 10.4.– Nor dagoen txostena aurkeztetik salbuetsita

Kasu hauetan ez da beharrezkoa izango aurreko bi ataletan aipatutako txostena aurkeztea:

- Irakasleak ohiko irakaskuntzatik salbuetsita daudenean edo aldi batez egon direnean, guztiz edo zati batean, kargu akademikoak betetzeagatik edo liberatuta egoteagatik (liberazio sindikala, euskara ikastekoa, sabatikoa, irakaskuntzaren eta ikerketaren arloan eguneratzekoa, eta abar). Kasu hauetan beharrezkoa izango da irakaskuntzatik kanpo egotearen arrazoia egiaztatzea.
- Langileak zerbitzu bereziak ematen, seme-alabak zaintzeko eszedentzian edo, irakasle eta ikertzaile kontratatuen kasuan, antzeko egoeretan egon direnean; kasu horietan beharrezkoa izango da interesatuak ohiko irakaskuntzatik kanpo egoteko arrazoia egiaztatzea.

#### 10.5.– Ikertzaileek ebaluaziorako aurkeztu beharreko dokumentazioa

- Deialdi honetan I. eranskin moduan dagoen eskabide-orria.
- Ikertzailea atxikita dagoen Saileko Kontseiluak egindako aldeko txostena, 2.3 ereduaren arabera egina. Bertan egiaztatuko da interesatuak bere betebeharrak bete dituela.

**Hamaikagarrena.**– B eta A mailetak gehigarritzko ordainsari osagarriak eskatzeko oinarriak.

#### 11.1.– Helburua

11.1.1.– B mailak, hau da, kalitatea eta etengabeko hobekuntza saritzen dituenak, hiru tarte ditu:

- B1 maila. Tarte hau lortzeko baldintza hauek bete beharko dira: gutxienez bost urteko antzintasuna izatea Euskal Herriko Unibertsitatean, eta gainera C1 tarte eta 25 puntu izatea.
- B2 maila. Maila hori lortzeko baldintza hauek bete beharko dira gutxienez: hamar urteko antzintasuna izatea, doktorea izatea, eta C1 eta C2 tarteak eta 50 puntu izatea.
- B3 maila. Maila hori lortzeko baldintza hauek bete beharko dira: hamar urteko antzintasuna izatea, doktorea izatea, eta C1 eta C2 tarteak eta 75 puntu izatea.

11.1.2.– A mailak, hau da, bikaintasuna saritzen duenak, bi tarte ditu:

- A1 maila. Maila hori lortzeko baldintza hauek bete beharko dira: hamabost urteko antzintasuna izatea, doktorea izatea, eta C1 eta C2 tarteak eta gutxienez 90 puntu izatea.
- A2 maila. Maila hori lortzeko baldintza hauek bete beharko dira: hamabost urteko antzintasuna izatea, doktorea izatea, eta C1 eta C2 tarteak eta gutxienez 90 puntu izatea.

11.1.3.– Zenbaketa egiteko, kontuan hartuko dira 2021eko abenduaren 31ra arte egindako zerbitzuak. Antzintasuna UPV/EHUK egiaztatuko du bere kabuz.

11.1.4.– Aipatutako denbora hori zenbatzerakoan, jarduneko zerbitzutzat hartuko dira zerbitzu bereziak eta seme-alabak zaintzeko eszedentziak, familia zaintzeko eszedentziak eta genero indarkeriaren biktimak diren funtzionarioen lehen sei hilabeteko eszedentziak edo, irakasle eta ikertzaile kontratatuen kasuan, antzeko egoerak.

11.1.5.– Lehen aldiz ebaluaziora aurkezten direnek beren bizitza akademiko osoko merezimenduak alegatu ahal izango dituzte, 2021eko abenduaren 31ra arte. Aurretik ebaluaziora aurkeztu direnek aurkeztu ahal izango dituzte ebaluazio horretatik 2021eko abenduaren 31ra arte.

11.1.6.– Eskariarekin batera merezimenduen egiaztagiria aurkeztu beharko dira, 1.1 oinarrian aipatutako protokoloan esaten den legez.



**11.2.– Ebaluazio berri bat eskatu nahi dutenek edo lehen aldiz ebaluaziora aurkezten direnek aurkeztu beharreko dokumentazioa.**

- Deialdi honetan II. eranskin moduan dagoen eskabide-orria.
- B2, B3, A1 eta A2 tarteetarako besterik ez: beste unibertsitate edo ikergune batzuetan —edo zelako lotura laboral, estatutario edo administratiborekin— egindako irakaskuntza, ikerketa eta jakintzaren transferentziako zerbitzuak edo kudeaketa zerbitzuak egiaztatzea. Bakarrik aztertuko da eta, bere kasuan, onartuko da ebaluazioa B2 tramotik aurrera eskatzen bada eta UPV/EHUK ez badu 15 urtetik gorako antzintasuna aitortu.

**Hamabigarrena.– Unibertsitate eskolako irakasle titularrentzako gehigarritzko ordainsari osagarria**

**12.1.– Helburua**

12.1.1.– Unibertsitate eskoletako irakasle titularrek, doktore izan ez eta 10 urteko antzintasuna badute, gehigarritzko ordainsari osagarria lortzeko eskubidea izango dute ebaluazioan, gutxienez, 50 puntu lortzen badute; edo beste gehigarritzko ordainsari osagarria lortzeko eskubidea izango dute ebaluazioan, gutxienez, 75 puntu lortzen badute.

12.1.2.– Zenbaketa egiteko kontuan hartuko dira 2021eko abenduaren 31ra arte egindako zerbitzuak. Antzintasuna UPV/EHUK egiaztatuko du bere kabuz.

12.1.3.– Aipatutako denbora hori zenbatzerakoan, jarduneko zerbitzutzat hartuko dira zerbitzu bereziak eta seme-alabak zaintzeagatiko eszedentziak familia zaintzeko eszedentziak eta genero indarkeriaren biktimak diren funtzionarioen lehen sei hilabeteko eszedentziak edo, lan kontratudun irakasle eta ikertzaileen kasuan, antzeko egoerak.

12.1.4.– Lehen aldiz ebaluaziora aurkezten direnek beren bitzta akademiko osoko merezimenduak alegatu ahal izango dituzte, 2021eko abenduaren 31ra arte. Aurretik ebaluaziora aurkeztu direnek aurkeztu ahal izango dituzte ebaluazio horretatik 2021eko abenduaren 31ra arte.

12.1.5.– Eskariarekin batera merezimenduen egiaztagiria aurkeztu beharko dira, 1.1 oinarrian aipatutako protokoloan esaten den legez.

**12.2.– Ebaluaziorako behar den dokumentazioa**

- Deialdi honetan III. eranskin moduan dagoen eskabide-orria.
- Beste unibertsitate edo ikergune batzuetan —edo zelako lotura laboral, estatutario edo administratiborekin— egindako irakaskuntza, ikerketa eta jakintzaren transferentziako zerbitzuak edo kudeaketa zerbitzuak egiaztatzea. Bakarrik aztertuko da eta, bere kasuan, onartuko da unibertsitate eskolako irakasle titularrentzako gehigarritzko ordainsari osagarria lortzeko ebaluazioa eskatzen bada eta UPV/EHUK ez badu 15 urtetik gorako antzintasuna aitortu.

**Hamahirugarrena.– 2015ekoaren aurreko deialdietan lortutako tarteen egonkortasuna**

2015. urteko deialdia baino lehenagokoetan gehigarritzko ordainsari osagarriak lortu zutenek, eta 2015., 2016., 2017., 2018., 2019. edo 2020. urteko deialdietara ezin izan baziren aurkeztu, aurtengo deialdian osagarri horien finkotasuna eska dezakete. Horretarako IV eranskina ondo beteta bidali beharko dute.

**Hamalagarrena.– Euskal Herriko Unibertsitatea adskripzio zentro izan duten deialdi ofizialeko beka.**

Deialdi honetako tarte eta mailak ebaluatzeko eskatutako urteak zenbatzeko, kontuan hartuko da baita beka ofizialekin emandako denbora ere, betiere, unibertsitate honetako zentroyen batean atxikita egon bada onuraduna

2022ko irailaren 12a, astelehena



(beka ofizialtzat hartuko dira UPV/EHUK, Eusko Jaurlaritzak edo Hezkuntza eta Zientzia Ministerioak deitutakoak). Behin graduatuak, prestakuntza jarduerak eta espezializazio zientifiko eta teknikoak burutzeko ematen diren beka dira hemen aintzat hartzen direnak; prestakuntzarako pertsonal ikertzaile baldintza ematen dutenak, hain zuzen ere.

#### **Hamabosgarrena.**– Eskuordetza

Irakasle-ikertzaileen arloko errektoreordearen esku uzten dira deialdia aurrera ateratzeko beharrezkoak diren izapide guztiak, Gizarte Kontseiluari aurkeztu behar zaion gehigarritzko ordainsari osagarrien esleipen proposamena izan ezik.

Baita ere Irakasle-ikertzaileen arloko errektoreordearen esku uzten da eredu normalizatuen onarpena, eskaerena zein deialdiaren gestio egokirako beharrezkoak diren gainerako guztiena, kontuan izanda deialdia modu automatizatuan izapidetuko dela.

#### **ERANSKINAK**

Deialdiaren Hamargarren, Hamaikagarren, Hamabigarren eta Hamahirugarren oinarrietan aipatzen diren I., II., III. eta IV. eranskinak eskuragarri egongo dira eskaria nahitaez egin behar den aplikazio informatikoan.